



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

19 Février 2016 ~  
(09 Jamad'ul Awwal 1437 Hijri)

**(Résumé Khutba)**

***Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lor « Ene L'Avenir ki pé Basculé »:***

## **ENE L'AVENIR KI PÉ BASCULÉ**

L'Avenir de l'homme, nous l'avenir repose dans nous Créateur, dans nous lien pur (entre Li et nous) ki existe bien avant nous l'existence lor sa la terre temporaire là. Alor kifer ena sa distance là astaire kan nous fine vine lor sa la terre là ? En vérité la poursuite du plaisir ki associé à ene liberté kot pas ena aucaine contrôle fine rende la société telle couma li été azordi. Nous dire lor nous la lèvre, nous déclarer ki nous libre, mais libre de quoi ? En verité, pas ena aucaine liberté excepté kot sa pé faire nous casse nous lien avec nous Créateur ! C'est bien sa ki nous observé azordi dans le monde lor le concept de la liberté ; dimoune rode libère li de tout saki touche noblesse de l'âme, li rode libère li de la grandeur et générosité du cœur ki crée dans l'homme so sens de responsabilité et ki limite so recherche continuelle de plaisir. C'est sa zarre de liberté là ki le monde musulman ainsi ki le monde en générale fine adopté et ki li encore pé rodé – ene poursuite fou à la recherche de sa plaisir là – n'importe kot sa ki li capave trouve li, et alor kan li plonge li corps et âme dans sa l'objectif là, alor li oublier tous bane limites ki faudé pas dépasser.

L'homme fine né avec bane capacités, bane ressources et ene l'imagination limité ; alor so poursuite pour gagne plaisir aussi ti bizin aussi limité, mais c'est pas le cas, et alor kan li galoupe derrière bane plaisirs inutiles sans aucaine contrôle quelconque, alor sa chemin ki li prend là amène li vers ene cul-de-sac (vers ene chemin fermé). Alor ene grand nombre de bane l'effets

secondaires ki pas capave compté vine lor so chemin et alor la société vine de plus en plus nervé et violent. Le monde musulman li malheureusement pas épargné de sa de nos jours. Mais comparé avec bane les autres pays occidentales ki dire ki zot avancé, ki zot modernes, bane sociétés orientales et plus particulièrement bane ki Islamiques zot conserve encore de nos jours ene certaine dignité morale.

Par exemple dans bane sociétés orientales, particulièrement bane ki trouve zot sous l'influence de la religion de l'Islam, bane missiés et bane madames zot généralement séparés ene de l'autre et ena au sein de sa bane sociétés là bane normes de conduite afin pou empêcher à ene certain degré l'attraction entre bane sexes opposés. Di fil négatif d'ene difil courant li différent de celui ki positif – et ou capave comprend alor ki pou arriver si pas sépare sa deux di fil là?

L'Islam préconise ki l'homme bizin maîtrise so bane pulsions naturelles et ki au contraire ki bizin canalise so létemps et l'énergie à so service (au service de l'Islam). D'après l'Islam, si ene dimoune li laisse li emporter par so bane pulsions et désirs, sa pou synonyme de so destruction, kot li détruire li par li-même, parski pas tous bane désirs ki saint pour la santé physique, morale et spirituelle de l'homme. Ena bane pulsions animal ki éloigne li de so Créateur et touffe li dans sa façon là dans ene monde kot na pas ena ni aucaine la foi ni aucaine la loi pou ki li suive et respecter.

Dans bane sociétés kot bane madames zot séparé avec bane missiés, la beauté li captivé non pas par le physique entier de la femme mais selman ene ti regard ki ene missié posé lor ene zoli visage ti pé donne ene tel plaisir à bane dimoune de sa bane sociétés là et sa plaisir là, même sa bane pays libéré là pas gagne sa plaisir malgré commié bane Eve (madames) nues ki zot cotoiyé tous les jours, et sa malgré ki sa bane femmes nues capave commié belle ou non, mais dans bane pays kot missié et madames séparé, ene sel regard suffi pou ki ene missié content ene madame sans ki li bizin guette li, guette so physique pareil couma dans bane pays ki dire ki zot soi-disant libéré. En fait, la recherche du plaisir et de bane passions zot bien bien temporaire. Sa l'état de grand la joie li pou teigne petit à petit, pareil couma ene dimoune ki consomme l'alcol. Kan ene dimoune li boire ene gorgée l'alcol ene premier fois, li ressenti ene grand la joie, mais, petit à petit li népli gagne autant plaisir là-dans, et kot alor li intoxiqué avec sa, et tombe malade. Sa vine ene maladie pou li, ene source de beaucoup tracas et problèmes. C'est sa même ki fine arrive la communauté mondiale de nos jours kot so philosophie c'est pou prend comme ene principe morale la recherche du plaisir. Pou zot, sa recherche de plaisir là li ene travail bien noble. Alor au nom de la liberté, et de zot la lutte et libération de tout saki zot prend comme zistoire vié dimoune, alor bane dimoune de l'occident créer, invente toutes sortes de bane nouvo sources de plaisirs, et petit à petit zot faire zot bane façon de penser et zot cultures rentre dans le milieu islamique.

Ainsi, pareil couma nous bien-aimé prophète Hazrat Muhammad (pssl) ti déza prophétisé, ene jour pou vini kot bane musulmans pou suivre bane juifs et bane chrétiens dans zot actions.

Bane Musulmans pou aussi de plus en plus indifférents à la foi, et à pratique de l'islam. L'ignorance pou atteindre bane degrés ki pas capave maziné même – c'est-à-dire, l'ignorance en matière de religion, car sinon, l'écriture ti pou répanne. Bocou Musulmans pou népli conné couma fer Namaz ou garde Roza dans Ramzane, et zot pou même oublier la profession de foi (le *Shahada* – *Laa-Ilaaha Illallah Muhammadur Rassoolullah*). Bane Musulmans croyants pou bien en minorité; zot pou méprisé (couma astaire là partout côté bane musulmans zot sous l'attaque de bane ki pas compran valaire l'islam), et pou ena bocou bane musulmans ki pou cachiette zot la foi, pareil couma bane Hypocrites face à bane croyants dans l'époque Hazrat Muhammad (saws).

En étudiant bane sociétés du monde, en particulier société américaine ki pé prend li comme le superpuissant de sa la terre là, sa société là dans le passé ti à ene étape de so l'histoire, commence mette en œuvre bane nouvo méthodes à donne plaisir à so bane citoyens. Tous bane magazines fine participer pou donne zot l'opinions et bane institutions d'études sikolozik fine senti zot concerné par sa phénomène là. Au nom de la science, l'Amérique fine conseille à so peuple pou défoule li, pou fer tout saki li envie pou gagne le plaisir ki zot pé rodé et alor sadisme et l'homosexualité fine gagne terrain et fine répanne bien vite... C'est sa message là ki ene société soi-disant moderne, ene société ki permette tout zaffaire fine accorde à bane Américains et sa bane là pas fine tardé pou mette en pratique saki zot fine gagne liberté pou faire. Zot fine alor plonge zot corps et âme dans sa l'objectif là (pou rode et gagne toutes sortes kalités plaisir ki pas bizin) et alor pour sa peuple là, nannié pas ti tabou pou zot. Chemin ki bane américains fine prend fine touzour amène zot à ene cul-de sac (ene chemin fermé) et zot ti bien conscient de sa (ki sa chemin ki zot fine prend là na pas ena aucaine bon ki pé attane zot plus devant). Ene sorte de folie fine empare li de sa société là et nous fine trouve ene révolution de bane « hippies » et bane « skinheads ». Le nombre de bane toxicomanes fine prend l'ampleur, et de peur ki l'Amérique vine ene nation de bane drogués, après avoir ki li fine tolère la drogue, le gouvernement fine alor décider pou prend sa problème là en grand considération, mais sa la lutte là ti dans vide parski c'est bane drogués ki fine remporte sa bataille là. Sa souffle de bane mal ki zot permette bane dimounes pou fer fine dépasse contrôle de bane l'autorité, kot sa bane mal là fine infiltrer partout.

La société américain senti li azordi impuissant ; li fine livré dans la main de bane Mafia. Crime dans l'Amérique fine vine ene zaffaire banale, ene zaffaire commun, bien ordinaire et là-bas dimounes touye les autres par plaisir, seulement pou ressenti saki sa fer pou touye kikaine. Pas ena ene minute ki passé sans ki ene crime commette kit part là-bas. Si zot ena l'envie pou touyer, alor zot touyé, non pas pour ene boutte di pain mais pour le plaisir ki sa donne celui ki pé touyé là. Au nom de la liberté, bane américains fine enchaines zot-même d'ene la chaine ki zot pas pou capave jamais libérer. Kan zot népli capave s'en passe zot de sa bane moments de folie là, alor zot dirige zot vers zot destruction totale. Zot oublier ki zot dépendre de Allah ; pour zot, zot népli bizin Li ; zot pas oulé Li, et alor le matérialisme amène zot de plus en plus vers zot

destruction. Zot népli conné kot pou allé dans sa poursuite de plaisir ki zot fine choisir comme mode de vie là. C'est népli plaisir ki zot ressenti mais l'amertume et déception.

L'Amérique trouve li azordi devant bane nouvo formes de maladies ki sexuellement transmissibles et aussi bane les autres maladies ki résistant à tout saki bane dimounes capave servi pou combatte sa bane maladies là, et bane docteurs trouve zot impuissants devant sa bane maladies là. Herpès, SIDA, Cancer, bane Virus H1N1, H5N5, ainsi ki Zika etc. pé faire ravage dans l'Amérique ainsi ki bane les autres pays du monde. En ce ki concerne bane maladies sexuelles transmissibles, après ki sa bane maladies là fine éclaté, la poursuite du plaisir fine vine alor ene source de grand la peur pour nation de l'Amérique et aucaine américain pas senti li en sécurité dans compagnie d'ene autre de so bane concitoyens – kot sa alor rende bane dimounes instable et nerveux. Sa l'attaque de plaisir temporaire pé bascule le monde dans l'obscurité ; au contraire mo bizin dire ki le monde fine fini rentre dans sa l'obscurité là et li senti li impuissant et désespéré.

Ki donc la réponse à tout sa ? Li capave résumé comme suite : vrai plaisir, plaisir ki duré, vrai satisfaction, vrai contentement, nous gagne sa seulement à travers nous relation avec nous Créateur. C'est le but même de nous création. La société fine perdi so l'équilibre et l'homme fine perdi so bane repères. C'est pourquoi ki kan l'obscurité fine envahir la terre en entier, Allah fine trouver ki li nécessaire pour ki Li envoie So Messenger, So Calife (Représentant) lor la terre afin pour guide bane dimounes lor le droit chemin.

Allah (twa) content So bane créatures, en particulier la race humaine ki Li fine crée de So propre essence (de So propre souffle). Pareil couma Li fine promette dans bane livres saints et dans le dernier code de loi, le Quran Shareef, Li pas puni avant ki Li fine envoie à bane nations ene avertisseur. Si sa bane dimounes là pas prend en considération le message d'Allah et So Messenger, alor kifer Allah bizin prend la peine pou protéze et épargne l'homme kan sane-lala népli rempli so devoir ki li fine gagner et ki li rejette guidance ki Allah envoie li pou ki li retrouve le droit chemin et pou ki li regagne le goût pou rapproche avec Li ?

De ce fait, Allah créé tout dans ene but préci, ki bien défini, et l'homme, d'après le Quran Shareef, fine créer afin ki Li conne Allah (twa), afin pou attirer le regard d'Allah lor li. Pendant bane l'étapes de l'évolution aucaine zaimo pas fine capave développer dans même façon et capacité ki l'homme fine capave développer.

Premier créature (lor la terre) ki fine capave rentrer en contact avec so Créateur c'est l'homme – sa contact ki mo pé causé ici c'est ene contact direct avec Allah (à travers révélation divine). Le Saint Coran enseigne nous ki nous bizin faire bane zeffore pour rentrer en contacte avec nous Créateur le plus tôt possible et ki nous bizin persévérer dans sa chemin là afin pou ressenti So présence. Le Saint Coran dire nous ki c'est sa ki vrai la joie et plaisir. Allah Li noble et c'est en So compagnie ki nous aussi pou capave vine noble.

Seule façon pou réhausse qualité d'ene société c'est pou amène li vers Allah, parski Allah Li pour zot tous sans distinction de classe ou de race. Bane ki proche d'Allah ena compassion pour bane dimounes. Sa bane kalité dimounes là pas faire aucaine distinction entre (celui ki) blanc et noir, le nord et le sud, l'est et l'ouest.

Voilà le message ki mo envie donne zot : Pas tardé pou prend bane dispositions pou réforme zot. Servi l'humanité avec amour et prié beaucoup parski la prière li ene moyen sûr pour rentre en contacte avec nous Créateur. Nous, bane dimounes, nous impuissant, mais nous bizin rappler ki nous ena ene Créateur ki Tout-Puissant. Nous bizin ena confiance dans Li et faire zeffore dans So direction, parski c'est sa ki pou permette nous pou remporte beaucoup bane victoires : La victoire lor nous propre égo/ passions/ recherches de plaisirs temporaires et inutiles (en d'autres mots, nous *nafs*) et aussi nous pou remporte la victoire lor le mal ki trouve tout autour de nous. Dieu fine élève moi dans sa siècle là comme So Messenger, So Calife (*Khalifatullah*), et de ce fait malgré sa mission dure ki mo fine recevoir là, mais selman mo pas perdi l'espoir parski faudé jamais nous désespérer aussi longtemps ki nous demande l'aide d'Allah, et aussi longtemps ki Li (Allah) écoute nous avec So miséricorde/ pitié. Li pas permette pou nous pou perdi l'espoir, mais mo bizin dire, la situation grave, et alor mo l'appel c'est ki le monde bizin débarrasse de so l'état d'inactivité, de paresse parski l'Islam oulé ki li (le monde) dirige li vers ene Bondié ki nek envie ki So bane serviteurs soumette à Li, et accorde Li zot l'amour et reconnaissant envers Li pour tous les temps.

Le monde en danger, l'humanité en danger et ene réveil de conscience vers l'existence d'ene Dieu Miséricordieux li bien nécessaire pour la sauvegarde de bane peuples du monde. Ô Allah nous Maître, le monde li en proie à bane doutes lor To l'existence. Zot préfère délaisse Toi dans zot ignorance pour bane kitchoses temporaires et ki péna valeurs, mais Ô Allah, nous Maître, gagne pitié de zot et retire le voile de l'ignorance de zot lizié afin ki zot trouve enfin l'image réel de To l'amour et de To l'existence, et ki zot accepter enfin pou zot soumette zot corps et âmes à Toi. *Ameen*.